



BUKAS NGA SULAT PARA SA TANAN NGA NEGROSANON



DUTA, DUGO kag KABUHI sang mga mangunguma kag mamumugon sa uma nga nagapos sa kadena sa mahimuslanon kag mapintas nga sistema sa gatus na nga katuigan padayon nga ginawasak. Ang daguhob sang ila singgit para sa hustisya kag kahilwayan nagalanog-lanog sa bilog nga isla sa Negros kag sa bilog Pilipinas.

Sugod sang pagmasaker sa siyam ka mangunguma-mamumugon sa uma sa syudad sang Sagay sad-tong Oktubre 20, 2018 sa mga pwersa nga kontrolado sang Armed Forces of the Philippines (AFP) kag Philippine National Police (PNP), ang malapnagon, pinakamapintas, indi-makatarungan kag mapiguson nga

giyera nagwasak sa pangabuhian sang mga pumulu-yo sa Negros; madamo na sang mga Negrosanon ang nahalitan. Ang wala untat nga pag-agas sang dugo halin sa lawas sang mga biktima nagpakita sang signalas sang kadulom sa palabuton.

Ang reaksyunaryo nga estado nga ginapadalagan sa

nagahari nga sahi sang dalagku komprador kag agalon mayduta kag ginarentahan subong sang pasista diktador Rodrigo Duterte himuon ang tanan agud pukanon ang nagaisahanon nga nagapamatuk nga pwersa nga nagapang sa pungsodnon nga laye militar. Sa Negros, ang "crackdown" sa ligal de-

mokratiko nga kahublagan naglab-ot sa bag-o nga lebel pagkatapos ang pwersa sang estado naggamit sang “kontra-insurhensya” para tagaan sang rason ang pagpangsulod sa mga opisina sang progresibong organisasyon kag puluy-an sang kilala nga aktibista. Madugay na ini napamatud-an nga ang pagpamigos kag pasismo samtang nagtanum sang kahadlok kag kabaris ang magbunga sa makahas nga pakig-away sang pumuluyong Pilipino.

Wala kita sang iban nga alternatiba kundi ang pagtib-ong sa bandera sang makatarungan nga inaway banwa! Ini lang ang bandera sang aton kahilwayan halin sa gatusan ka tuig nga pagpamigos! Ini ang pinakadungganon nga tikang para sa mga Negrosanon nga maisogon nga isulong paabante ang ila paghimakas para sa hustisya kag kahilwayan.

Ang mga sosyal nga siyentista nagatawag sa isla sang Negros bilang isa ka nagaindakal nga bulkan sosyal bangud sa sobra nga indi alalangay sa pangabuhì. Sa Joint Campaign Plan Kapanatagan sang AFP kag PNP, sa Executive Order 70 ni Duterte kag sang iya Memorandum Order 32, upod sa tuman nga kahambugan sang AFP/PNP, ang indi mapunggan nga paglupok sang bulkan sosyal magapakita sa gamhanan nga inaway banwa sang pumuluyo bilang konkretong porma sa lapnagon nga rebolusyonaryong pagpamatok sa sobra-sobra nga pagpamigos kag paghimulos nga ila gin-antus.

Ang nagaharing sahi sang mga hasyendero kag dalagku komprador/negosya-

nte kag ang ila AFP/PNP nga ido-ido sa Isla nagapakita sang ila pinaka-despotikong pagkabutigon. Nagasinggit sila sang kalinong pero nagalunsar sang pinakamapintas kag pinaka-brutal nga giyera; nagpamatay sang madamo na nga mga mangunguma kag mamumugon sa uma, mga abugado, mga opisyal sang LGU nga ginsuspetsahan nga nagasimpatiya sa makatarungan nga kawsa sang rebolusyonaryo nga kahublagan.

Nagasunod sang ila agalon kag master nga si Rodrigo Duterte, si BGen. Eric Vinoya sang Joint Task Force - Negros kag 3rd Infantry Division sang Philippine Army, BGen. Arevalo, Col. Noel Baluyan, sang 303rd kag 302nd Brigade; kag PBGen. Rene Pamuspusan kag PBGen. Valeriano De Leon, mga Regional Police Director sang Western kag Cetrál Visayas, ang pinaka-despotiko nga ido-ido kag butigon sa Negros.

Nagaduso sila sang lokalizado nga hambalanay sa kalinong kag nagpabugal sang dalagku nga pondo nga ila mahatag paagi sang Enhanced Comprehensive Local Integration Programa (ECLIP). Nagademanda sila sang surrender sang mga rebolusyonaryong pwersa; pero wala sang mahatag nga maundanon nga solusyon angut sa ugat sa armadong konplikto! Ang lokalisadong hambalanay sa kalinong naganegar sa pungsodnon nga kinaiya sang sosyo-ekonomiko kag pulitikal nga mga problema nga gina-ukbo sang mga pumuluyong Pilipino.

Ang ila bersyon sang kalinong amo ang wala na sang iban pa nga opsyon kundi pasurenderon ang mga rebolusyonaryong pwersa. Gi-

Wala kita sang iban nga alternatiba kundi ang pagtib-ong sa bandera sang makatarungan nga inaway banwa! Ini lang ang bandera sang aton kahilwayan halin sa gatusan ka tuig nga pagpamigos! Ini ang pinakadungganon nga tikang para sa mga Negrosanon nga maisogon nga isulong paabante ang ila paghimakas para sa hustisya kag kahilwayan.



NOBYEMBRE 22, 2019

Nagapasalamat ang istap sang **Ang Paghimakas** sa mga kontribusyon agud mangin madinalag-on ang ini nga isyu. Sa pagpauswag sang aton **Ang Paghimakas**, ginapangabay sa tanan nga bumalasa sini nga padayon nga mag-amot sang mga balita, piktyur, istorya kag iban pa nga sinulat. Nagapangayo man kami sang inyo mga suhestyon kag komentaryo paano pa gid ini pauswagon.



angpaghimakas@yahoo.com



facebook.com/ang.paghimakas.58



angpaghimakas.wordpress.com

sikway nila ang borador sang Comprehensive Agreement on Socio-Economic Reforms (CASER) nga inisyal natalakay sang nagligad nga Government of the Republic of the Philippines - National Democratic Front of the Philippines (GRP-NDFP) Peace Negotiating Panel. Si anay Lt. Gen. Carlito Galvez, nga subong Presidential Peace Adviser nagapamuno sa GRP panel pang-giyera. Mga arogante kag indi rasonable sila dira sa hambalanay sa kalinong samtang ginapatay nila ang wala sang duta nga mga mangunguma kag mamumugon sa uma; matapos ila ginpasibangud ang pagpamatay sa NPA kag bisan gani sa mga militanteng progresibong mga organisasyon! Ang kasaysayan indi magkalipat sa mga berdugo kag manugpatay! Ang kawala sang duta kag ang kagutom sa isla sang Negros padayon nga nagalala nga ginkumbinahan sang kapintas sang mga supog nga reaksyonaryong manoghimulos kag manogpigos kag sang ila mga idrido nga AFP/PNP kag Citizen Armed Force Geographical Unit (CAFGU).

Ang Communist Party of the Philippines (CPP) sa Negros, ang New People's Army

(NPA) kag ang NDFP tuman ka bukas para sa hambalanay sa kalinong nga magga-adres sa ugat sang armadong konplikto. Ang mainantuson nga pagtinguha sang GRP-NDFP Peace Panels sang nagligad nakaprodukto sang Comprehensive Agreement on Respect for Human Rights and International Humanitarian Law (CARHRIHL) kag madasig nga nakapaabante sa mga talakayan sa mansig ka borador sang CASER. Ang pagbalik sa lamesa sang negosasyon sandig sa nakasugtan na nga mga prinsipyo isa ka imedyet nga agenda.

Ginpanawagan namon sa tanan nga Negrosanon nga maluyagon sa kalinong kag tanan nga Filipino nga nagahandum sang matuod nga kalinong sa paglunsar sang mga diskusyon sa publiko, serye sang mga lektura, lapnagon nga mga talakayan sa mga grupo sa negosyo, mga buluthuan, mga medya, mga tawo sa simbahan kag mga propesyunal para mapadalom ang paghangop kag maduso ang implementasyon sa CARHRIHL kag mapinalisa ang borador sang CASER sang nagligad GRP-NDFP peace negotiators. Ang bora-

dor sang CASER sang NDFP amo ang isa sa mga yabe para sa matuod-tuod, makatarungan kag malawigon nga kalinong sa isla sang Negros kag sa bilog nga Pilipinas. Ang iban nga tipo sang peke kag pagpakunokuno nga para sa kalinong indi makatiplang sa pagsurender sang mga rebolusyonaryong pwersa diri sa Isla.

Ginpanawagan namon sa mga nasanagan nga mga elemento sang AFP, PNP kag CAFGU nga indi magpatuman sang mga indi makatarungan nga mando sang inyo mga pasista kag merse senaryong opisyal. Kadam-an sa inyo nagahalin sa hanay sang mga ginapigos kag ginahimuslan nga pumuluyo sang aton sosyedad. Indi magsunod sa inyo mga uhaw sa dugo kag militaristang mga opisyal; mataas ang amon handum nga sa indi magdugay pagapilion ninyo ang pagbato sa inyo tiraniko nga agalon para sa matuod-tuod nga pagalagad sa pumuluyong Pilipino.

Bisan ano nga mga klase sang task forces (nasyunal man, rehiyonal, probinsyal ukon lokal) para taposon ang komunistang armadong konplikto indi magdala sang kalinong sa gi-



nalabugay na sa kapintas ang isla sang Negros. Ang full-spectrum military dominance nangin kabahin na sa ginalunsar nga task forces. Dugang lang ini nga magpalala sa pagpamatay sang mga gutom kag wala duta nga mga mangunguma kag mamumugon sa uma nga nagapakig-away sang ila kinamatarung sa duta para mabuhi kag sa tanan Negrosanon nga ginasuspetsahan nga nagasimpatiya sa makatarungan nga kawsa sang rebolusyonaryong kahublagan. Magadugang ini sang denimonyo nga estilong Sauron nga pagpamatay sang mga inosente nga Negrosanon paagi sa uhaw sa dugo kag kriminal nga mga AFP kag PNP. Sin-o man nga rasonableng mga opisyal sa LGU nga ginpahog sang militar kinahanglan makakita kag makahangop sa sini nga punto.

Si BGen. Vinoya, BGen. Arevalo, Col. Baluyan kag ang PNP ang pinakamaayong rekruter para sa makatarungan nga kawsa sang CPP-NPA! Bangud sang ila pagkabasura, kitid nga panan-awan, reaksyonaryo kag kontra-rebolusyonaryo nga ambisyosong iskema kag sang ila hinambog nga pagka-aroganteng pagpakita sang gahum kag superyoridad sa militar, madamo nga mga biktima sang indi makatarungan nga Sau-

ron nga pagpamatay kag pang-aresto ang nagadina-guso pakadto sa NPA para mangita sang hustisya kag mainiton nga magasuporta kag magapartisipar sa wala sang pagpangduha-duha nga inaway banwa sang NPA kag pumuluyo nga ginpamunoan sang Partido Komunista sa Pilipinas.

Ginapaandaman namon sila BGen. Vinoya, BGen. Arevalo, Col. Baluyan, ang bilog nga AFP kag PNP nga ang CPP-NPA kag ang NDFP sa isla sang Negros indi mapahog sang inyo pagpakusog ukon "drumbeat" sa gyera. Ang Oplan Kapanatagan sang AFP/PNP, whole of nation approach paagi sang Task Forces to End Communist Armed Conflict upod sa full-spectrum military dominance dugang lang magpaagas sang dugo sang mga ginapigos kag ginahimuslan nga mga Negrosanon. Samtang ang dugo sang mga naghimakas nga mga mangunguma kag mamumugon sa uma wala na untat nga naga-agas sugod sa demonyong masaker sa Sagay kag mga extrahudisyal nga pagpamatay kag sa satanas nga serye sang Sauron nga pagpamatay, dugang magbaha ang dugo nga maglumos sa mga mapigoson, mahimuslanon kag masupog nga kontra-mangunguma, kontra-mamumugon sa

uma kag kontra-pumuluyo nga nagaharing sahi sa Isla.

Kami tampad nga nagapamangkot sa Negrosanon; sa inyo tagipusuon, nagapati bala kamo nga ang Oplan Kapanatagan kag National Task Force to End Communist Armed Conflict ni Duterte sa Isla ang makadres sa ugat sang armadong konplikto?

Nagapati bala kamo nga ang lokal nga hambalanay sa kalinong nga nagademanda sang pagsurender sang mga pwersa sang CPP-NPA kag NDFP sa isla sang Negros makapatuman sang epektibong solusyon?

Nahibaluan namon nga may yara kamo sang maulamon nga sabat. Pero sa mga indi seguridad kon ano ang sabat, balikan ang kasaysayan sa paghimakas sang Negros.

Magbangon Negrosanon! Mag-amba sang mga kanta sang aton baganihan, mga maisog nga hangaway sang kahilwayan kag mga militanteng pumuluyong naghimakas sa Negros! Mag-updanay kita nga isulong ang makatarungan nga inaway banwa para lab-oton ang matuod-tuod nga demokrasya, pungsodnon nga kahilwayan kag isa ka makatarungan, matuod-tuod kag pangmalawigon nga kalinong sa isla sang Negros kag sa bilog nga Pilipinas!

Tampad nga naga-alagad sa pumuluyo,

**KOMITENG REHIYUNAL SA ISLA SANG NEGROS
PARTIDO KOMUNISTA SA PILIPINAS**

